

1、作者：蝶依

中秋節

蟾輪三五又相期，一鏡無塵印水湄。
莫說清光流不盡，徐看倩影轉尤奇。
山樓與月爭新樣，箕斗無言羨秀姿。
佳節團圓人共酌，興來何處不能詩。

2、作者：汨羅江

中秋節 2首

一

萬象紛陳一局棋，驚看海峽正燃萁。
勞勞身世雞蟲笑，戚戚吾心日月知。
北斗傾斜中道遠，銀河瀉影玉繩移。
嬋娟千里明如鏡，忍誦夔州杜老詩。

二

翹首山頭月映枝，登樓蒿目興遲遲。
雖知盈缺皆常數，悟透滄桑亦費思。
暫把銀缸傳玉液，且伸青鏤寫新詞。
嫦娥語我長生訣，伴守琴書樂歲時。

3、作者：醉臥花蔭

中秋節

年年此夜散清絲，一樣閒愁兩處思。
醉臥涼階君莫笑，枝頭玉兔寸心知。

4、作者：墨癡

中秋節 2首

瀛州旦夕創雙颱，滿目瘡痍不勝悲，
縱使良宵懸浩月，依然惡夢繼相隨。

天災甫過逢秋節，望月開懷強賦詩，
欣見銀光輝兩岸，還期共創太平時。

5、作者：輕輕風

中秋節

瑤台階立掩孤悲，冷冷蟾光桂殿糜。
娥姐碧空端玉鏡、萬家今晚爽塵居。

又

天宇繁星布滿棋，蟾宮窗角捲帘悲。
嫦娥對鏡悲無主，玉兔窺微夜盡時。

底下塵間喧語振、欄邊萬眾彩燈馳。
香江漾月秋當冷，燭火輕煙繫遠思。
又

秦檻漢家皆遠思，唐風吳語又濃時。
半叢桂葉窗開啓，一影蒼穹夜懸馳。
塵世凡夫誰了解？駕將蟾背背朝之。
嫦娥殿裡秋無限，玉鏡今天霜滿絲。

6、作者：山佳

中秋孤夜

君孤舉酒敬娥舞，網上妻傳玉漏遲。
一夜無眠人未醉，兩心向望送秋思。

7、作者：許清泉

中秋節/建築工地過中秋懷親人

對月三杯醉不支，樓頭北望意如癡。
故園百里同千里，思念新時甚舊時。
目盡清輝強忍淚，吞幹苦酒漫吟詩。
誰嘗此夜愁滋味，腸斷東坡水調詞。

8、作者：沖漠公子

中秋節

桂花酒氣趁時宜，遙向親人一致頤。
因訪廢台高士嘯，已忘時序客鄉羈。
歸心夢雁愁生易，冷閣聽蟬意轉癡。
誰與天涯同寂寞，嫦娥下界勸瓊卮。

9、作者：初學者

中秋有懷

節令多逢三五時，風流好詠月圓詩。
嬋娟豈管夢千里，玉露猶沾花滿枝。
幾縷幽香遮不住，數枚餡餅獨相持。
舉杯欲做三人舞，乘得輕風一笑之。

10、作者：古今

中秋夜

高樓獨上意淒迷，雁唳蒼穹月影低。
九闕桂香聞隱約，一天冰魄轉琉璃。
燭帷淚盡巴山雨，蘅院誰吟蘇子詞？
夜久愁思回露冷，霜華半照漸流西。

11、作者：梅關雪

中秋夜/七律·對月思

人道盈虧自有時，名根未鏟月中癡。
繁華閱盡真中幻，寂寞翻知物外機。
俯首歡聲驚夢醒，回眸孤影照人思。
垂簾自悔薄情過，莫擾清心耽酒詩。

12、作者：ysw4546

中秋

喜逢佳節團圓月，又是中秋一夜詩。
立筆成書千萬首，不由言語不相思。

13、作者：柏鍾寧

中秋節

臨窗眺望月圓時，世事紛紜不勝悲，
自嘆中秋常作客，聊從令節強吟詩，
人間靜土頻災難，海上驚濤賴秉彝，
但願來年鴻運轉，嫦娥伴我酒傾卮。

14、作者：丁冬

中秋節/七絕(四首)

1

難逢難忘憶君時，一縷銀光萬縷思。
托得雁行誰借月，待圓欲缺眼迷離。

2

醉看高天月鏡移，怎知儘是用情推。
夢長醒覺圓爲夢，錯怪嫦娥夜獨居。

3

陳年疊起淚淋漓，滄海絕緣人不知。
白髮返青情未懶，月圓悔教斷腸悲。

4

嫦娥欲皺桂花眉，海浪頻吟兩地詩。
莫道月圓愁月缺，此心長恨月升遲。

5 律詩一首

骨肉依依誰笑癡，團圓十五正相宜。
紙攤入畫桂花好，眼競追光黃土奇。
月白風輕雲獻舞，河清魚淺水流詩。
酒香盡意千家醉，夢會來年秋好時。

15、作者：九畹

落落杯觴欲醉時，宵長誰爲夜添衣。
花看好處盈繁露，客到中秋多故思。
明月天心辭雁影，音書雲外問歸期。
綠窗妻子雙如玉，與共嬋娟未肯棲。

16、作者：落梅 2 首

中秋

醉飲新醅情厭厭 羞酬舊曲意遲遲
鶯朋燕友纏綿盡 好景長將善客欺

又

葦浦慵執黑白奕 畫堂懶賦斷腸詩
推窗惱拒中秋月 不教銀蟾窺我私

以上以收件日期排序